

كليات القمة وعقليات القمة | #خطبة_الجمعة | د. حازم شومان

حازم شومان

في فرق ما بين كليات القمة وعقليات القمة اتقلبت بيوت المصريين يا اما فرح يا اما ميتم على حسب المجموع وكأن اللي بيدخل كلية قمة هو اللي له مستقبل. واللي ما بيدخلش هو اللي بيضيع. ما فيش حاجة اسمها كلية قمة. في حاجة اسمها عقلية قمة. اسباب النجاح مش مجموعة - [00:00:00](#)

مجموع مين قال ان النجاح والفشل في الحياة هو نقطة واحدة بس ، ليه ؟ حاطين نفسنا في الدائرة السودا دي ليه ؟ مش عايزين نخرج الطاقات الجبارة اللي ربنا اداها لنا ليه ؟ مش عايزين نبقي عقليات - [00:00:40](#)

القمة لك الموضوع كبير عشان تبقى انسان ناجح في حياتك الموضوع كبير. انما احنا قلنا الموضوع مش كليات قمة. الموضوع عقليات قمة. ايه صفات عقليات ايه صفات عقليات القمة ؟ ده لله نحمده ونستعين به ونستهديه ونستغفره ونعوذ - [00:01:00](#)
بالله من شرور انفسنا ومن سيئات اعمالنا. اللهم انا نعوذ بك من شرور انفسنا. ومن من سيئات اعمالنا. اللهم انا نعوذ بك من شرور انفسنا. ومن سيئات اعمالنا انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق تقي - [00:01:28](#)

ولا تموتن الا وانتم مسلمون. يا ايها الناس اتقوا ربكم الذي خلقكم من نفس في واحدة وخلق منها زوجها وبث منهما رجالا كثيرا ونساء واتقوا الله الذي يتساءلون به والارحام. ان الله كان عليكم رقيبا. يا ايها الذين امنوا اتقوا الله - [00:01:58](#)
اتقوا الله وقولوا قولا سديدا. يصلح لكم اعمالكم. يصلح لكم اعمالكم ويغفر لكم ذنوبكم. ومن يطع الله ورسوله فقد فاز. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين. وعلى ذريته وال بيته انك حميد مجيد. اللهم - [00:02:28](#)

وسلم وزد وبارك على الحبيب محمد. عدد خلقك ورضا نفسك وزنة عرشك ومداد كلماتك. اللهم صل وسلم وزد وبارك على حبيبك قلوبنا وطبيب قلوبنا محمد صلى الله عليه وسلم عدد مكاييل البحار وعدد قطر الامطار وعدد ورق - [00:02:58](#)
الاشجار وعدد ما اظلم عليه الليل واضاء عليه النهار. عليه افضل الصلوات من رب العالمين الى يوم الدين. اما بعد اخواني احبابي في الله واحد دخل محل بيع عقول عشان عايز يشتري عقل فلقى عقول كتير معروضة للبيع فلقى عقل ياباني - [00:03:18](#)
فبيقولوهم العقل الياباني ده بكام ؟ قالوا له بدولار ولقى عقل مصري فبيقول لهم العقل المصري ده بكام ؟ قالوا له بربع مليون دولار قال لهم ازاي ؟ العقل الياباني بدولار والعقل المصري بربع مليون دولار. قالوا له لان العقل الياباني اتفرم شغل استهلك شغل - [00:03:38](#)

اهل المصري لسة لانج زي ما هو. لسة لانج لسة مليون طاقات ما طلعتش. لسة مليون كنوز ما خرجتش. مدير آآ مؤسسة سامسونج العالمية لما عملوا اول موبايل سامسونج انتشر في العالم انتشار رهيب. واكتسح ونجح وباع مبيعات رهيبه - [00:03:58](#)
فمدير الشركة مدير المؤسسة بتاعة سامسونج جمع كل الفريق بتاع المؤسسة بتاعه مخترعين والمهندسين والمنفذين وجاب الموديل عملوه وقام مولع فيه قدامهم. فاترعبوا. انت بتولع فيه ليه ؟ ده ده اللي احنا نجحنا بسببه وانتشرنا في العالم وكسبنا. مئات الملايين - [00:04:18](#)

المليارات فقال لهم ايه ؟ لا ده دي خطوة في سلم النجاح. ما ينفعش ان احنا نقف عند خطوة وبعد كده خلاص نركن اليها. النجاح يا جماعة خطبة اليوم كليات القمة وعقليات القمة. امبارح زهرت نتيجة السانوية العامة - [00:04:38](#)

الف مبروك لستمىة الف طالب وطالبة ولاهاليهم. ايا ما كانت النتيجة بتاعتك. ما دام تعبت وبزلت واجتهدت الف مبروك. ربنا مش على قد نتيجتك. البشر بيدوك على قد مجموعك. ولكن ربنا بيديك على قد تعبك. عشان كده عشان انت تعبت. فاحنا بنقول لك الف مبروك - 00:04:58

في فرق ما بين كليات القمة وعقليات القمة. اتقلبت بيوت المصريين يا اما فرح يا اما ميتم على حسب المجموع. وكأن اللي بيدخل كلية هو اللي له مستقبل. واللي ما بيدخلش هو اللي بيضيع. ما فيش حاجة اسمها كلية قمة. في حاجة اسمها عقلية قمة. اسباب النجاح مش مجموع في سنة - 00:05:18

السنوات اسباب النجاح مش كلية انت دخلتها فيه دكاترة وفاشلين في حياتهم الاجتماعية واسرهم. فيه دكاترة فقراء فيه دكاترة ويعني يعني سابوا المجال بتاعهم تماما. فيه دكاترة وما نجحوش في حياتهم العملية. النجاح في الحياة والسعادة في الحياة. مش متوقف على - 00:05:38

في سنة انت جبتك من السنين. ولو انت جبتك برضو دي خطوة من خطوات نجاح في سلم كبير. ما هياش نهاية الموضوع. عايز اقول ايه عايز اقول اوعى تسمح ان عقلية المجتمع لو انت طالب سانونية عامة لو انت واحد لسة متخرج لو انت اب وام لابن في السانونية العامة لو انت - 00:05:58

ده شاب اتجرح نفسيتك من كذا سنة. بالمجموع اللي انت جبتك والمجتمع حسسك بشرخ جوة نفسيتك. عايزين نتقل لعقليات القمة عايزين نفكر صح سبب النجاح بتاعك جواك. القصة كلها جواك. القصة مش برة. عقلية الدال. ابني ما ياخدش الدال ازاى؟ ابني ما - 00:06:18

اشدال فلان الفلاني ازاى؟ ازاى ابني يتحرم من الدال؟ عقلية خبطة العمر. كثير من اللي فشلوا في كلية طب لما كنا فيها. فيه ناس اترفت الكلية معنا. وناس فشلت في الكلية ليه؟ لانه كان معتقد انه لما جاب مجموع كبير في السانونية العامة انه خلاص وصل. ركن للنجاح في سنة - 00:06:38

وما فهمش ان النجاح سلم. وانه لازم يكمل نجاح وقع وفشل. عقلية خبطة العمر. انجح سنة واعيش مستريح طول حياتي. عقلية القطيع عقلية المسار الاجباري هو انا ما ينفعش ما اخدش سانونية عامة سم اخد كلية سم اتجوز سم خلف سم اموت خدت اللي - 00:06:58

بتاعة الورقة بتاعتي كلها ياللا الف سلامة على المقابر عقلية المسار الاجباري. النجاح ما لوش طريق واحد. السعادة ما لهاش طريق واحد. اوعى تسمح ان عقلية مجتمع تحطم نفسيتك. وتشوش في تفكيرك. عقلية عقلية ان قيمتك في شهادتك. مين اللي قال ان اكيد - 00:07:18

في شهادتك. مين اللي قال ان انت قيمتك في مجموعك بس؟ عقلية ان انت قيمتك في شهادتك ولو انت ما دخلتش كلية قمة فيما يسمونها كذا. العالم كله ما بيتعاملش بالنظرة دي اصلا. عقلية انك لو ما دخلتش كلية قمة انت ما عدش لك قيمة في الحياة. ده ربنا بيقول فانتشروا في الارض. يعني جميع صغور المجتمع - 00:07:38

كلها ثغور قمة. جميع صغور المجتمع كلها. صغور عظيمة. وكلها المجتمع محتاجها. يعني الكل يبقى مهندسين طب والباقي. طب تخصصات المجتمع. عقلية انا عايز استقر وخلص. يا عم اصل الدكتور هيتخرج ويتعين في في وياخد مرتب من الحكومة. وصل المهندس والصيدلي هيسافروا - 00:07:58

بيشتغلوا في الخليج طب هو الاغنياء بتوع المجتمع هم دول لأ طبعا ده كل دول اصلا من الطبقة الوسطى. يعني انت انت عايز تستقر وخلص لحد امتى نفضل نفكر كده لحد امتى نفضل نفكر بالطريقة دي؟ ده اصلا سانونية عامة اسمها التوجيهية. ليه التوجيهية؟ لانا بتدرس كل المواد وبتشوف - 00:08:18

بتاعك فين؟ بتشوف ميولك فين؟ بتشوف تميزك فين؟ احنا حولناها لبيع. حولناها لشرح في نفسية ستمية ميت الف شاب وبنت كل سنة. نص مليون واحد منهم ممكن بيحيي له عقد نفسية مدى الحياة. حولناها لالام. حولناها لرعب. حولناها - 00:08:38

الفرع اللي ما نجحش في السانوية العامة او ما جابش نتيجة كبيرة. اوعى اوعى تكفر بالابداع اللي جواك. اوعى تكفر بالقيمة اللي جواك اوعى تكفر بالمواهب اللي ربنا اداها لك جواك. عشان كده عايزين نتكلم عن ايه النهاردة يا جماعة؟ بينما احنا قلنا الموضوع مش كليات قمة الموضوع عقليات - [00:08:58](#)

ايه صفات عقليات القمة؟ عشان نجاحك جوة عقليتك نجاحك جواك نجاحك مش براك. ما تقعدش تبص برة. انت بص على نفسك من جوة ايه مواصفات عقليات القمة؟ العقول اللي فعلا هتقود الحياة. وهتنفع دينها وهتنجح دينتها - [00:09:18](#)

العقليات دي صفتها ايه؟ اول صفة من صفات عقليات القمة في الحياة. اول صفة من صفاتها ان هو عارف نقطة التميز انا عايز اقول لك لو انت عايز تبقى ناجح في الحياة اعرف انت ربنا ميزك بايه. كل واحد منكم الوقتي قاعد قدامي. كل واحد منكم ربنا ميزه بحاجة مش موجودة - [00:09:38](#)

في المسجد كله. كل واحد منكم ربنا ادى له حاجة ما حدش ثاني خدها زيك. عشان كده ربنا بيقول للنبي عليه الصلاة والسلام خذ العفو يعني ايه العفو؟ العفو يعني الزيادة. كل ربنا بيقول للنبي. كل واحد من صحابتك انا ميزته في حاجة. اديت له موهبة غير - [00:09:58](#)

ثاني اديت له عطاء غير الثاني. خد من كل واحد موهبته. وظف كل واحد في موهبته والمجتمع ما ينجحش غير كده. انت العفو بتاعك ايه انت ايه موهبتك؟ انت ايه نقطة تميزك؟ قال رسول الله صلى الله عليه وسلم اعملوا فكل ميسر لما خلق له. انا - [00:10:18](#)

عايز اخذ كلمة كل ميسر. الوقتي مش كله ميسر ولا حاجة. الوقت احنا عملنا النجاح بدلة ضيقة. اللي مش هتيجي على مقاسه هيعيش مخلوق طول حياته النجاح انك تبقى دكتور او مهندس او صيدلي او مش عارف ايه. هو ده النجاح. بس بقى النجاح انما الرسول ما قلش كده. الرسول قال كل ميسر - [00:10:38](#)

المفروض ان النجاح يبقى سهل علينا كلنا. بس لو كل واحد اكتشف النقطة بتاعته. لو انت اكتشفت ايه موهبتك. ايه الحاجة اللي انت بتحبها؟ انا باكلم كل شاب قدامي الوقتي. ايه الحاجة اللي انت بتحبها؟ نم نفسك فيها. خد دورة فيها. اتعلمها. اشتغلها من دلوقت. ركز فيها. برة في الغرب - [00:10:58](#)

الولد من اعدادي بيبقى عارف تخصصه في الحياة ايه. احنا هنا الشاب بيبقى عنده خمسة وعشرين سنة وما هوش عارف هو هيشغل ايه. ولا عارف هيبني حياته فين ده انت متأخر قوي شف نقطة تميزك ايه. قال تعالى يزيد في الخلق ما يشاء. كل واحد ربنا زوده في حاجة غير الثاني. ايه الحاجة اللي عندك - [00:11:18](#)

زيادة خير اي حد ثاني. ايه موهبتك؟ ايه الحاجة اللي انت بتحبها؟ ايه ميولك؟ قال تعالى ورفعنا بعضكم فوق بعض. ايه الحاجة اللي ربنا رفعك فيها عن غيرك. اكبر اكتشاف في حياتك. ان انت تكتشف نفسك. ان انت تكتشف نقطة تميزك. ان انت تكتشف ايه من - [00:11:38](#)

اتربينا عليك. ان انت تكتشف ايه النقطة اللي ربنا ميزك بها عن غيرك. ان انت تكتشف دي. الكل قاعد يبص في الحياة من برة ويشوف الدنيا عايز الدنيا عايزة دكاترة اه انا عايز ابقى دكتور. لا بص جواك وشوف انت مميز في ايه. تاجر ناجح - [00:11:58](#)

احسن من الف دكتور فاشل. ميكانيكي ناجح احسن من ميت صيدلي فاشل. مبرمج ناجح احسن من مهندس فاشل. القضية قضية النجاح. انت ربنا ميزك في ايه؟ انت ايه نقطتك نبها وركز فيها. وربنا - [00:12:18](#)

عليك بها اللي ما جابش مجموع بنقول له اوعى اوعى تكفر بالمنة اللي ربنا اداها لك ويقتل جواك المجتمع احساسك ان انت مميز واللي جاب مجموع بنقول له دي سلمة. لسة سلالم كثير. اوعى تركز لخطوة. وتنسى ان النجاح له سلالم كثير جدا. دي اول صفة من صفات - [00:12:38](#)

عقليات القمة. الصفة الاولى من صفات عقليات القمة انه عارف يكتشف نقطة تميزه. انه عارف انت ما انتاش نسخة مكررة في الحياة انت ربنا اداك حاجة غير الدنيا كلها اكتشفها ونميتها وتخصص فيها هتبقى اضافة لدينك وضافة لدينتك وهتبقى - [00:12:58](#)

كل ميسر هتبقى ماشي في الحياة الدنيا سهلة لك. ليه ؟ لانك انت متجاوب مع مواهب الله لك. مش عايز تعيش في جلابية غيرك
مش عايز تلبس بدلة غيرك. مش عايز مش بتعبد رأي الناس ونزر الناس. الناس بتحب الدال لازم اخذ الدال. يا ابني - [00:13:18](#)
تسعد كل رؤساء وحكام العالم ما عهمش آآ ما جابوش تسعة وتسعين في المية في السانوية العامة. اغنى مية ملياردير في العالم ما
جابوش السانوية العامة الموضوع النجاح والتميز والسعادة. مش قضية مجموع في سنة واحدة بس. عايزين نغير العقلية دي. اللي
مشوشة على - [00:13:38](#)

وممشيانا في مسار اجباري خدت ختم السانوية العامة. ايوة. خدت ختم الكلية صح. خدت ختمة جواز مزبوط. خدت ختم الخلفة
خلفت خدت ختم الموت الف سلامة. قصة مكررة زي كل القصص اللي فاتت اوعى تسمح ان انت تبقى كده. اتنين من صفات عقليات -
[00:13:58](#)

القمة انه عارف هدفه في الحياة. انه محدد لنفسه هدف في الحياة. الطفل دلوقتي كل امنيته ان ايفون تنزل له ايفون نت بلس عشان
تلعبوا عليه جيمس. والشاب كله امنيته انه يلاقي اي وظيفة عشان يتجوز ويشغل. والكبير كل امنيته ان لما يموت اولاده يفتكروه -
[00:14:18](#)

كولدير قدام اي جامع عشان تبقى صدقة على روحه. انت عايش ليه ؟ انت هدفك ايه ؟ انت التارجت بتاع حياتك ايه ؟ انت على ايه
انت مركز على ايه ؟ انت ايه خطتك ؟ ايه الحاجة اللي انت عايز تحققها السنة دي ؟ ايه الحاجة اللي انت عايز قبل ما تموت تكون
حققتها لازم تبقى عندك دين - [00:14:38](#)

من صفات عقليات القمة في الحياة. ان فيه فرق ما بين النجاح على مكتب والنجاح في الحياة. ودي نقطة خطيرة جدا. مش معنى ان
انا نجحت على المكتب وجبت تسعة وتسعين في المية ان انا ناجح في الحياة. النجاح في الحياة له شروط تانية. وله مقاييس تانية.
ياما ناس ناجحة. دراسيا - [00:14:58](#)

مجتمعيًا ومش قادر يعيش سعيد. وفاشلة عمليا. يبقى مش معنى ان انا ناجح على المكتب. ان انا ابقى ناجح في الحياة. النجاح في
عايز خبرة وعايز تلف وتروح وتيجي وعايز تاخد دورات وتنمي مهارتك. وعايز تستعين باللي اكبر منك وتحترم مشورتهم وخبرتهم.
وعايز - [00:15:18](#)

خير ربنا وعايز تبقى قريب من ربنا عشان يوفقك في حياتك وعمرك ما يضعش. وبركة شبابك ما تمحكش. النجاح العملي في الحياة.
مش هو هو بس النجاح على المكتب. النجاح ده كلمة كبيرة. والنجاح في الحياة. والسعادة في الحياة. والتأسير في الحياة. دي كلمة
اكبر من كده بكثير - [00:15:38](#)

كتير اوي اوي من صفات عشان كده النبي عليه الصلاة والسلام يقول اذا قامت القيامة اسمع الحديس الجبار ده اذا قامت القيامة
تخيل انت النجوم بتتكدر. يعني النجوم بتنقض على الارض. والسماء بتتقطع قطع من النار. والبحار بتتفجر. والدنيا - [00:15:58](#)
كلها مقلوبة وكل حاجة وكل السنن بتتكسر والجمال بتسير وبتطير. اذا قامت القيامة وفي يد احكم فسيلا وفي ايد واحد ايد واحد
شتلة زرع كده هيزرعها. فليغرسها. يا رسول الله عليه الصلاة والسلام هيغرسها - [00:16:18](#)

ليه ؟ ده القيامة قامت ولو فرضا غرزها. مين هيرويها ؟ ولو حد رواها وطلعت سمرة منها كلها. ده القيامة قامت. والدنيا انتهت. ما
لكش دعوة. ما لكش دعوة. انت بتشتغل وبتتعب. وبتبزل اللي عليك. وبعد كده ما لكش دعوة - [00:16:38](#)
النتيجة الرسول بيعلمنا ان احنا ما نعيش محطمين نفسيا عشان النتيجة. ربنا ما بيعاملكش بالنتيجة. ربنا بيعاملك بالمجهود وبيعاملك
بالبازل. شل هم الجهد والبزل والكفاح. وربنا اللي عليه النتيجة. ارض باي حاجة ربنا يقسمها بعد كده - [00:16:58](#)
من اسباب عقليات القمة ومن صفات عقليات القمة اليقين في الله. الانسان اللي عنده يقين في ربنا. انسان مستريح ده عنده يقين في
ربنا مش مقضي حياته حسرة وقلق وتوتر وبينام بالمهدئات وعایش مضغوط نفسيا. وهو ربنا ادى له - [00:17:18](#)

كورونا ما ادتش ليه ؟ طب انا لو كنت زاكرت السؤال الفلاني قبل ما ادخل كان زمني جبت الدرجة الفلانية. طب وهو الموضوع
الفلاني انا عملته ليه ؟ اللي ما عندوش يقين - [00:17:38](#)

ما عندوش رضا حياته كلها عزاب. ثلاث تربح حياته رايحة في الحسرة والاحباط والقلب. اللي عنده يقين كل الطاقة النفسية بتاعته في الانتاج. اليقين في الله. احيانا احيانا ربنا ممكن يأخر عنك الحاجة اللي نفسك فيها. عشان مصلحتك. وانت بيتهيأ لك - [00:17:48](#) يا رب تأخر الفرج ليه ؟ يا رب تأخر الحاجة اللي نفسي فيها ليه ؟ اعرف واحد دكتور في يعني كلية من الكليات آآ آآ استاز هو في كلية صيدلة اعرف هذا الرجل لما دخل الكلية في اول سنة كانت الكلية فاتحة فيها فكان نفسه يتعين في الجامعة. طبعاً الدفعة -

[00:18:08](#)

بتبقى في اول في اول سنة الكلية فتحت فيها في البلد دي. الدفعة دي كلها بتتعين. فهو كان نفسه ان هو بقى ايه الحمد لله يحقق حلم حياتي وابقى استاز - [00:18:28](#)

في الجامعة هابقى استاز دكتور في الجامعة. اول سنة هذا الرجل اعرفه وهو من الصالحين والله وحسيبه. يعني دايماً كده لما الواحد يقعد جلسة الضحى في المسجد بتاعه تلاقبه مصلي الفجر جماعة وقاعد جلسة الضحى. والله حسيب ولا نزكي الله احداً. فالراجل ده بيقول اول سنة سقط. وكان فقير جداً وكان معدم. وكان - [00:18:38](#)

مش لاقى ياكل فبالنسبة له حس ان احلام حياته كلها اتحطمت. وانه خلاص مش هيتعين ودفعة الاحلام راحت منه خلاص. ودخل في حالة نفسية وخلاص بقى وبدأ يجتر الامه. امري لله. الدفعة الاولانية ديت لما وصلت للبكالوريوس. فحصل غش لان كله عارف طبعاً ان فيه تعيين في - [00:18:58](#)

جامعة فبدأ يحصل تسريب امتحانات وغش. رئيس الجامعة اصدر قرار بمنع التعيين في الدفعة دي كلها. مين اللي اتعينوا كلهم الدفعة اللي بعدها اللي صاحبنا لولا صوت ما كانش دخل فيها. ولولا سقط سنة ما كانش بقى الوقت استاز دكتور في الجامعة -

[00:19:18](#)

انت احيانا بتبص للموضوع من نصرتك انت. ولكن هو عند ربنا حاجة تانية خالص. احيانا انت بتبقى حزين بالمشكلة اللي حاصلة لك وهي هتبقى سر سعادتك دنيا واخرة. الانسان نزره قاصر. الانسان ما بيعرفش. مش فاهم القدر. مش فاهم فاحيانا - [00:19:38](#) الفرج هو قمة الفرج. احيانا ربنا بيقفل الباب. بس مش عشان حاجة وحشة لك. ده عشان قفلة الباب اللي انت نفسك فيه واللي انت واقف بتعيط قدامه واللي انت قلبك مفروم عليه. يا رب انا عايز الباب ده انا نفسي في ده - [00:19:58](#)

بالضبة والمفتاح في وشك وانت مقهور. ليه يا رب؟ يا رب ده ده كان اقصى حلم لي في الحياة. وانت مش عارف ان ربنا بيقفله في وشك لانك لو كنت دخلته كنت هتتحرم من باب اعظم منه الف مرة. واوسع منه الف مرة كان هيتفتح بعد ما - [00:20:18](#) تكون دخلت في الثاني وما كنتش هتاخده ما انتاش عارف ربنا عاين لك ايه. ما انتاش عارف ربنا مدخر لك سبحانه وتعالى في خزائنه وعطاءاته ايه؟ عشرة شل في في السانوية العامة العشرة قعدوا يزاكروا طول السنة عشان يجيبوا مجموع ويدخلوا كلية طب العشرة. والعشرة مموتين أنفسهم. اخر السنة - [00:20:38](#)

تسعة منهم جابوا مجاميع صاروخية وواحد منهم ما جابش مجموع. فواحد من التسعة التسعة دخلوا كلية طب مش مدخل كلية تجارة. فواحد من التسعة بيقول صاحبنا صعب علينا. وقلنا ان صاحبنا فشل. فشل دخل كلية تجارة. اتخرج من كلية تجارة -

[00:20:58](#)

اشتغل في التجارة ربنا فتح عليه. بدأ يجي له اموال فكر انه يستسمرها في ايه. يستسمرها في المجال الطبي مستشفى كبيرة التانيين كانوا اتخرجوا وخذوا الماجستير والدكتوراة والقصص بتاعتهم. اللي بيقول من سنين صاحبنا فشل واحنا التسعة -

[00:21:18](#)

دخلنا طب بيقول بعد سنين احنا التسعة النهاردة شغالين في المستشفى بتاعته. احنا التسعة النهاردة شغالين عنده يبقى لما منعك الا ليعطيك. اوعى تفتكر ان الباب اتقفل. الباب اتقفل. الباب بتاع الكلية اللي كان عايز يدخلها اتقفل. لان فيه باب - [00:21:38](#) اعظم وباب اوسع وباب اكبر ربنا عاينه لك. اليقين في الله. اليقين في الله من اسباب عقليات القمة. انك تبقى انسان قائد في الحياة. انك انت ما تضيعش عمرك في الحسرة والهم والقلق والتوتر. لانك انت مصدق ربنا سبحانه وتعالى - [00:21:58](#)

احد المدرسين جاب مجموع قليل وهو في السانوية العامة. هذا المدرس الان عنده الاف الطلبة. كل طالب بياخذ منه الاف الجنيهاات. يعني المدرس ده دخله مسلا في بس انا مسلا حوالي عشرين ثلاثين مليون. كده في السنة الواحدة بس من السانوية العامة. بيقول لي الطلبة بتوعه. بيقول لهم انا انا في السانوية العامة كنت هاموت - [00:22:18](#)

عشان ادخل كلية معينة وما جبتش مجموع ورضيت باي كلية في الاخر مش عارف اجيب حتى الانتزام. وحاجة مأساة وعائش معزب وهو مش عارف هو الوقت لو اتعرض عليه اي كلية تانية هيقول لك لا يا عم اللي انا فيه ده ما فيش حاجة احسن منه. انا ما كنتش اتخيل ان ربنا يفتح - [00:22:38](#)

انت ما انتاش عارف ربنا ببيختار لك ازاي وربنا بيرتب لك ازاي وربنا بيدبر لك ازاي ؟ يا عم ارض يا عم سق في ربنا يا عم امورك لله وفوض امورك لله. القضية مش كلها بتدار بحساباتك انت. ويدعو الانسان بالشر دعاءه ويدعو الانسان بالشر - [00:22:58](#)
دعاه بالخير. انسان يا رب اتجوز فلانة. فلانة وفلانة دي لو اتجوزها تبقى سر جحيم حياته كله. ما انتاش عارف انا لو ما تجوزتش فلانة هضيع ، انا لو ما دخلتش الكلية الفلانية هاموت. انا لو ما اتعينتش في في الوزيفة الفلانية هاهلك. هو ده سبب التعاسة في الدنيا كلها - [00:23:18](#)

انك تعلق سعادتك باي شيه غير الله. فيكون ما تعلق قلبك به من دون الله هو سبب تعاستك. هو سبب انك ما تبقاش عايش سعيد في الحياة. ما تعلقش قلبك في السعادة. ولا في النجاح الا بالله. خل عندك رضا واجعله ربي رضا - [00:23:38](#)
خل عن اللي متجوز واحدة متوسطة الجمال راضي بها. بيتهيأ له ان هو خد واحدة من اجمل جميلات العالم. وفي ناس متجوزة فانتات والبيت جحيم لان هو متهيأ له ان مراته مش حلوة ولانه القصة في الرضا. اللي بيحلي عينيك - [00:23:58](#)
في اللي بيحلي الدنيا في عينيك رضاك. الرضا السكر بتاع الدنيا هو الرضا. على قد ما انت راضي. على قد ما انت راضي اللي ربنا اداه لك. واللي ربنا اختاره لك على قد ما انت عايز سعيد في الحياة. مش الرضا السلبي. مش الرضا بتاع سبها سهلة. الرضا بتاع ان انا -

[00:24:18](#)
وتعبت وكافحت واجتهدت واللي يحصل بعد كده انا راضي يا رب. انا راضي باختيارك لي يا رب. انا لو ادوني ورقة وقلم قل ارسم الملامح اللي نفسك فيها. مش هاقول كنت نفسي يبقى عنيا ملونة. ولا كان نفسي يبقى طولي كزا. ولا كان يا رب هاختر الملامح اللي انت اخترتها - [00:24:38](#)

انا يا رب لن اختار لنفسي الا ما اخترته لي. بس على شرط انك تبقى اجتهدت مش قصرت ولعبت من صفات عقليات القمة في الحياة. ان عنده بعد نظر. ان يبقى عندك بعد نظر في الحياة. طلبة الثانوية العامة امبارح ستميت - [00:24:58](#)
الف بيت فيه ناس اللي الوزير اتصل بها جابوا فرق فرق مغنيين ومغنيات وعملوا حفلات وقلبوا الشوارع بتاعتهم وفي ناس عملت افراح ودخلت على الفيس والله اكبر والعزة وفي ناس عملت مياتم واتقهر - [00:25:18](#)
وفي ناس بصت على المشهد ده وضحكت لان ده مشهد النهاردة. ده مشهد ناس بتقيس السعادة والنجاح في الحياة. بليلة بمجموع سنة انما لو بصينا بعد عشرين سنة بعد عشرين سنة من اللحزة دي على الستميت الف طالب دول. بعد عشرين سنة ما حدش -

[00:25:38](#)
يعرف الستميت الف واحد دول بعد عشرين سنة هيقوا ايه غير ربنا؟ يا ترى مين فيهم اغتنى ومين فيهم افتقر؟ يا ترى مين فيهم سعيد في حياته ومين فيهم يا ترى مين فيهم عايش في سكينة واستقرار وبين فيهم انتحر من الهم والضغط والمشاكل. يا ترى مين في - [00:25:58](#)

تقوم جاله سرطان في عز شبابه ونجاحه مات. ومين فيهم ربنا مدي له الصحة يا ترى مين فيهم هينجب ومين مش هينجب؟ مين هيتجوز ومين مش هيتجوز مين هينجح ومين هيسقط؟ مين هيرفع ومين هixفض؟ يا ترى مين؟ لو بصيت بعد عشرين سنة هتموت على روحك من الضحك. لما تبص بعدها - [00:26:18](#)
عشرين سنة ان الفرحة العابرة بتاعة الناس النهاردة يعني ممكن في ستين سبعين في المية من ظروف الناس ستقلب تماما لما الايام

تمر وتعدى يبقى السعادة والنجاح مش بمجموع سنة يا جماعة. الموضوع كبير عشان تبقى انسان ناجح في حياتك الموضوع كبير.

عايزين - 00:26:38

القمة. كل شاب من شباب البلد. وكل راجل وكل امرأة وكل فتاة ده ممكن يبقى قائد في الحياة. الواحد لما يبص على الامريكان قلبه اتفطر ستيف جوبز اللي غير شكل العالم. الراجل بتاع شركة تسلا اللي باع كزا شركة وهو الوقتي اللي ربنا جعله هو اللي حل ازمة -

00:26:58

اطفال تايلاند باختراع كهربائي كل واحد قاعد يبص ليه بيل جيتس ستيف جوبز العقلية دي احنا يا اخوانا ربنا مدينا زي ما مدي للدنيا كلها كما قال النبي صلى الله عليه وسلم وفي كل خير. ربنا حط الخير هنا وهنا. ربنا حط الخير في العقول دي والعقول دي. هم

ليه - 00:27:18

عارفين يستغلوا نفسهم وعارفين الواحد منهم مارك زاكربيرجولا الواحد بيفير العالم كله وبيغير شكله كله واحنا قاعدين يا عيني نعيط على مجموعة السانوية العامة ونلطم على اني ما جبتش الدال ونلطم على ان انا لنا اللي خد دوبل بتاع مصر احمد زويل كان

معه الدلة - 00:27:38

كان معه كلية علوم. مين قال؟ ان النجاح والفشل في الحياة هو نقطة واحدة بس. ليه؟ حاطين نفسنا في الدائرة السودا دي ليه مش

عايزين نخرج الطاقات الجبارة اللي ربنا اداها لنا ليه؟ مش عايزين نبقي عقليات قمة ليه؟ لماذا؟ للأسف الشديد - 00:27:58

ان الانسان يبقى عنده بعد نظر من صفات عقليات القمة. ان الانسان يبقى موازينه مزبوبة. يعني ايه موازينه مزبوبة؟ من خبرة

واحد او من خبرة كثير من الناس في المشاكل الاجتماعية وفي مشاكل الناس وهموم الناس. معظم هموم الناس. حلها - 00:28:18

انك انت تحط المشكلة في حجمها الحقيقي. احيانا المشاكل يا جماعة هو ما فيش خبرة في الحياة من غير مشاكل. ومن غير

الخبرات انت ممكن تاخذ قرار توديك في داهية واختيارات توديك في داهية. فالمشاكل دي من نعم ربنا عليك. لان المشاكل اللي

بتقابلها في حياتك هي اللي بتديك الخبرات اللي بتعرف تعيش بها باقي حياتك - 00:28:38

انما اساس العتاسة في الحياة مش المشاكل. اساس العتاسة في الحياة. هو عدم وضع المشاكل في حجمها الحقيقي ان الواحد مش

عارف الحجم. عشان كده ربنا وصف يوم القيامة قال ايه؟ خافضة رافعة خافضة. يا بشر! الموازين اللي انتم - 00:28:58

في الدنيا دي في حاجات انتم رفعتم قيمتها اوي اوي اوي. هتيجي يوم القيامة تحت الرجلين. وفيه حاجات انتم نزلتم قيمتها وما

اهتمتوش بها. هتبقى يوم القيامة لها قيمة رهيبة خافضة رافعة. اللي هيقدر يحقق الاية دي في الدنيا ان الموازين تتزبط جوة قلبه

تاني. انه يعرف ان - 00:29:18

الدنيا مهما علت هي دنيا. هي دنيا وانه يعرف قيمة الاشياء قيمة الدين. قيمة رضا الله قيمة اليقين. قيمة الكفاح والرضا بما يعطيه

الله به ده الانسان اللي بيعيش سعيد. عشان كده والله اعلم ربنا قال خافضة قبل الرافعة. ليه؟ لانك انت طول ما انت الحاجات اللي ما

تساويش وما لهاش قيمة - 00:29:38

قيمة عالية في عنيك هتفضل جدران حاجبة عنك انك تشوف الحاجات اللي لها قيمة بجد. فلازم الاول اللي خد حجم اكبر من حجمه

يتخفض ويرجع لقيمتة الحقيقية. عشان تبدأ تشوف الحاجات التانية اللي هي الرافعة بقى. تبدأ تشوف - 00:29:58

الحاجات الكبيرة بقيمتها الحقيقية. احنا محتاجين خافضة دي. احنا محتاجين حاجات اتعزينا عشانها. ونايمين مقهورين عشانها.

وحزين سنة عشانها وهي في الاخر لا تساوي عند الله جناح بعوضة. وهي في النهاية من عقليات القمة انك انت تبقى عارف قيمة

الاشياء - 00:30:18

عش معذب على حاجات ولا تسوى ولا تستاهل انك تبقى عارف ايه الحاجة اللي تستاهل وايه الحاجة اللي هتنتفع بها في الدين

والدنيا زي ما النبي عليه الصلاة والسلام قال احرص على ما ينفعك. عليه الصلاة والسلام. اعرف مصلحتك فين واشتغل. مصلحة دين

ومصلحة دنيا. من صفات عقليات القمة الخطيرة - 00:30:38

ان عندهم تارجت اخروي. يعني الوقت ده التارجت في الدنيوي. طب والتارجت الاخروي. الوقتي انا عايز اتميز دنياويا. انا انت عايز

تجيب مجموعة للي عشان يتميز عشان اعرف ادخل الاقي مكان تحت الشمس. عشان اخذ مكاني في الحياة. عشان اقدر انجح. انا عايز التميز اللي ما يتميزش دلوقتي ما بيعرفش يبجي - [00:30:58](#)

طب والتميز بتاع الاخرة؟ انت فكرت فيه ولا لأ؟ ولا انت بتفكر في التميز بتاع الدنيا بس؟ شف التميز بتاع الاخرة وربنا بيدلك. انا مش باكلملك على الفرق بين - [00:31:18](#)

والنار. انا باكلملك على الفرق بين الجنة والجنة. الفرق بين الجنة والنار معروف. الجنة ما هياش فندق سبع نجوم. والنار ما هياش حنة حريقة الفرق بين الجنة والنار مهول. الفرق ما بين دار النعيم وما بين جهنم اللي محتاجة خمسة مليار ملك يسيطروا على ازمته - [00:31:28](#)

عشان ما تهجمش على البشر يوم القيامة الفرق واضح. ولكن انا الوقتي باكلملك عن الفرق بين الجنة والجنة. اتنين هيدخلوا الجنة. ولكن واحد هيدخل فوق في السابقين. وواحد هيدخل في نعيم اصحاب اليمين. الفارق ما بينهم مزل قد ايه - [00:31:48](#)

عشان واحنا بنفكر في تميز الدنيا نفكر تميز الاخرة. قال تعالى ولمن خاف مقام ربه جنتان. جنتين جنتين ليه؟ جنة ليه؟ لانه ما لك من ملوك الفردوس الاعلى. وجنة لزوجته لان زوجته ملكة من ملوك الفردوس الاعلى. اتنين ملوك اتجوزوا بعض - [00:32:08](#)

والمملكتين انضموا على بعض. كما يقول بعض المفسرين ولمن خاف مقام ربه جنتان. بعد شوية ومن دونهما جنتان. من دونهما اقل منهم يبقى الاولانيين السابقين والتانيين اصحاب اليمين. اسمع بقى بقلبك. وربنا بيقارن لك ما بين دول ودول. اسمع الفارق عشان ما نبقاش كل - [00:32:28](#)

طاقتنا وفكرنا مستنزف في التميز الدنيوي وناسيين التميز الاخروي. ولمن خاف مقام ربه جنتان. ذوات افنان ذوات افنان يعني فنون كل قصر له تصميم غير الثاني. كل آكل حاجة في العفش بتاع العصر له - [00:32:48](#)

تل ولون غير ثاني. كل شجرة لها جمال غير الثاني. كل ورقة شجر لها لون غير الثاني. الدنيا سيع الوان. اومال الجنة كم لون؟ السبع الوان ادفع منهم تمنيت الف درجة لو نية. اومال الجنة كم لون؟ انت متخيل كل لحن شكل غير الثاني. كل حورية من حور الجنة جمال - [00:33:08](#)

غير الثاني. كل لبس كل حاجة فيها فنون. كل حاجة فيها ابداع. كل حاجة فيها اعجاز. ذوات افنان. طب امال بتاعة اصحاب اليمين بود همتان. يعني ايه مدهمتان؟ خضراء. يعني ايه خضراء؟ دي زواد افنان كل اللوان وكل الاصناف وكل اللحن. وكل الاشكال. ودي - [00:33:28](#)

يعني خضراء خضراء داكنة لونها. اخضر داكن. الله! طب ما الاخضر جميل. وبيربح النفوس ولكن الفرق مزل. الفرق ما بين جري الوان تزل في كل شيء. وجنة لونها اخضر. فارق رهيب. فيهما عينان تجريان. ده دي بتاعة السابقين - [00:33:48](#)

طب وفي اصحاب اليمين فيهما عينان الضاختان. الفارق مهول. عينان تجريان زي الشلالات كده. عينان تجريان. لان كانت عملهم جارية لانهم ما كانواش يقطعوا في العمل الصالح. لان اعمالهم ظلت تجري من بعد موتهم. لان هم سابوا اثر في - [00:34:08](#)

حياة لانهم عملوا اعمال خيرية. جمعيات خيرية. دعوة الى الله. علم ينتفع به. سابوا بصمة. فهم ماتوا واعمالهم ما ماتتش واثارهم ما مات زي النجمة بتاع السما. اللي ممكن يكون انفجر ومات من ثلاثين مليون سنة. وهو لسة بينور لك. ليه؟ هو النجم - [00:34:28](#)

كده اهو بالزبط كده هم ماتوا ولسه النور بتاع اعمالهم بينور للناس. عينان تجران اومال الثاني عينان او ضختان قل من تجريان اقل منها ليه؟ لان العمل بتاعهم كان نطق برضه لانه ما كانش شغال بالاستمرارية بتاعة الاولاني. ما كانش له ام - [00:34:48](#)

اثر زي الاولاني فيهما من كل فاكهة زوجان. ده دول الاولانيين السابقين. من كل فاكهة زوجان. كلمة تزهلك اصلا السمرة الواحدة من سمار الجنة فيها سبعين طعن. سبعين طعن. من كل فاكهة زوجات. يعني مليارات الانواع من الفواكه - [00:35:08](#)

ابو جنة اصحاب اليمين فيهما فاكهة ونخل ورماني يعني فيها بلح وفيها رمان فيها حاجات حلوة يعني وممكن تلاقي طين وتلاقي الله! طب ما حاجة حلوة. بس هي فين؟ مين فيهما من كل فاكهة زوجان. التصور رهيب. الفارق مزل - [00:35:28](#)

الفارق ما بين جنة السابقين وجنة اصحاب اليمين. اكبر من الفارق ما بين الجنة وما بين الدنيا. الفارق مهول. واحنا قاعدين مشغولين

بالعرض الزائل مشغولين به يعني ايه ؟ وناسيين ايوة اشتغل للتميز الدنيوي. الله يحب المؤمن القوي. والمؤمن القوي خير واحب الى الله من المؤمن - [00:35:48](#)

من الضعيف. ايوة اشتغل عشان تتميز دنيويا. بس لما يكون عندك تارجت اخروي يبقي شغلك في الدنيا من اجل الآخرة. لما بتيجي تخس بتعمل ريجيم عشان صحتي تبقى حلوة واعرف اقوم الليل واعرف لما احج اطبق السنة في المشي واعرف ايه واعرف اصوم اتنين وخميس. انت نيتك - [00:36:08](#)

في الدنيا هي الآخرة اصلا. لما تيجي تنجح في شغلك. لان المؤمن القوي خير واحب الى الله من المؤمن الضعيف. لما تيجي تتوزف في وظيفة ما تمشيش قبل اتنين ليه ؟ لان الامانة بتنتز العبد على الصراط. ما ينفعش اخون. لازم ابقى اشطر واحد في مهنتي. والا ابقى خاين. لازم انضبط بمواعيد - [00:36:28](#)

عمل وان لم خاين والامانة ممكن توقعني في جهنم من على الصراط يوم القيامة. حملة تفتيش بتبقى انسان انجح واحد في الدنيا. ليه ؟ لان انك مش عايز الدنيا عشان الدنيا. لانك عايز الدنيا عشان الفردوس الاعلى. فانت بتعمل اعزم ما تستطيع لتسترضي به - [00:36:48](#)

فانت بتنجح بتزاكر بتتميز بتنمي جسمك بتحافظ على صحتك احسن من اي حد في الدنيا لانك طالب فردوس فانت لازم تبقى مميز في كل حاجة عشان ربنا يضعك مع المميزين. مع المميزين في الفردوس الاعلى. متكئين على فرش. بطائنها من استبرق - [00:37:08](#) بطائنها من استبرق. انما التاجين متكئين على رفرر الخضر. بطائنها من استبرق. استبرق من البرق من البريق تخيل ان الجلاي بتاع الفردوس الاعلى بيطلع نور من جواه باطل امال الزهر ايه ؟ ده ودول اصلحوا باطنهم لله. فخدوا نعيم حتى الباطن بتاعه نعيم. الثاني متكئين على رفرر الخضرة. حاجة جميلة - [00:37:28](#)

ثقيلة اوي. جميلة ان يبقى الجاليري بتاع جنة اصحاب اليمين حاجات خضراء وحاجات جميلة. انما دي فين ؟ من بطائنها من استبرق. فين دي من دي فين ؟ وفيهن قاصرات الطرف لم يطمثنهن انس قبلهم ولا شأن كأنهن الياقوت والمرجان - [00:37:58](#) تخيل اما ربنا بيوصف في امرأة بيوصف مراتك في الجنة. اه تخيل بقى زوجتك في الجنة شكلها ايه ؟ زوجها في الجنة شكله ايه ؟ هنا غير هنا انهن الياقوت والمرجان قاصرات الطرف يعني واحدة تبص لها كده ما عدتش تقدر تبص لواحدة تانية في الدنيا خلاص من شدة جمال ملامحها مش - [00:38:18](#)

قادر تفكر في واحدة تانية في الدنيا. قاصرات الطرف كأنهن الياقوت والمرجان. لو جمعت الجواهر الكريمة وركبتها على بعض يبقى هي دي كده كده ، طب والتانيين مراته شكلها ايه بقى في اصحاب اليمين ؟ فيهما خيرات حسان. حسان حلوين. حلوين الحمد لله. بالتأكيد ما دام ربنا قال حسان يبقوا حسان. ولكن - [00:38:38](#)

فين ده من ده ؟ فين مدهمتان الجنة الخضراء ؟ من ذوات افنان. فين العينين الضاقتان ؟ من عينان تجريان فين الفاكة والنخل والرمال ؟ من كل فاكة زوجان. فين الخيرات الحسان ؟ منك انهن الياقوت - [00:38:58](#)

فين الرفرف الخضر ؟ من بطائنها من استبرق. فين ده من ده ؟ فين ده ؟ ده جنة وده جنة. ولكن مش كل الجنة في نفس المقام. فين التارجت الاخروي ؟ لما يبقي عندك تارجت اخروي مش هترمي الدنيا. لان الدنيا نفسها عبادة. لان الدنيا نفسها - [00:39:18](#) ربنا قال ان الدنيا بينصر بها الدين. ساعتها هتبص للدنيا نزره تانية. هتبقي انجح في الدنيا. هتبقي انجح في الدراسة. هتبقي انجح في التجارة هتبقي انجح في الامانة في الشغل والخبرة والتخصص. لانك انت بتعامل ربنا. مش بتعامل الناس. مش عايز فلوس ده انت - [00:39:38](#)

عايز زواتا افنان وعايز الياقوت والمرجان. ساعتها يبقي الموضوع مختلف تماما. عقليات القمة. عايزين ننتقل من عقلية بيفكر بطريقة كليات القمة وجايب قهر نفس لشبابه. لان في النهاية في النهاية هو بيقيسها بمقياس غلط. وما بين - [00:39:58](#) بيفكر بطريقة عقليات القمة. عقلية تطلعك لفوق. وتطلع المجتمع معك كله لفوق. اقول قولي هذا واستغفر الله لي ولكم الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك - [00:40:18](#)

ترجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد يوم زهور
نتيجة السانوية العامة. يبقي يوم آآ عالمي في مصر. يوم زهور نتيجة الدار الاخرة. ساعة ما هتبان النتيجة بتاعة مصيرك. مش بتاعة
السانوية العامة. امبارح على الفيس - [00:40:38](#)

اللي جاب مجموع عمل فرح وقلب الدنيا وعمل قلبانة. واللي ما جابش مجموع قاعد مكسوف وقاعد مكسور والناس لما تتصل بي
اقول ايه؟ امال بقى يوم الا الموضوع الاكبر من كده بقى. امال ده نص درجة في السانوية العامة بتفرق في مستقبل طالب. امال
الحسنة يوم القيامة. فاما - [00:40:58](#)
من اوتي كتابه بيمينه فيقول هاؤم اقرؤوا كتابي. زي امبارح كده هاقوم اعرف مجموعي اني ظننت اني ملاق حسابيا. فهو في عيشة.
يقول لك الواد ده عايش حنة عيشة. عيشة. ده اللي ده - [00:41:18](#)

هيدخلوا الجنة هيعيشوا حنة عيشة. فهو فيه عيشة راضية مش مرضية راضية. قبول اجتماعي. الكل فرحان به في اي مكان في
الجنة ومشتاق له مستنيه في جنة عالية قطوفها دانية. امبارح كان بيشتغل عشان السمرة النهاردة السمرة جاية لحد عنده. كلوا
واشربوا - [00:41:38](#)

هنيئا بما اسلفتم في الايام الخالية. اللي تعب سنة في السانوية العامة وسهر وطبق وجاب اخره وخد في المادة ثلاث دروس وعمل
دلوقتي التعب بتاعه فين؟ التعب راح. التعب راح. خد السمرة والتعب راح. اومال بقى اللي بيتعب مع ربنا. ساعة بقى ما يبقي التعب
بتاع الدنيا راح - [00:41:58](#)

خد السمرة واما من اوتي كتابه بشماله. ده ده بقى اللي ما جابش مجموع في الاخرة. فيقول يا ليتني لم اهت كتابيا. ولم ادري ما
حسابية. يا ليتها كانت القاضية ما اغنى عني ماليا. هلك عني سلطانية. قاعد يولول قدام البشرية كلها وربنا سايبه عشان يفضل -
[00:42:18](#)

راح نفسه بنفسه. ولما تتم الفضيحة يأمر الله سبعين الف ملك قوة تنفيذية. خذوه فغلوه ثم الجحيم صلوه. ده اللي جاب مجموع في
الاخرة وده اللي ما جابش مجموع لمثل هذا فليعمل العاملون. قال تعالى وفي ذلك فليتنافس المتنافسون. نهاية - [00:42:38](#)
الخطبة اخواني واحبابي في الله. نهاية الخطبة لكل طالب في السانوية العامة. لكل شاب من الشباب مر بالتجربة. لكل اب وام عندهم
ابن او قريب في لكل واحد في المجتمع بتاعنا. عايزين نفكر بطريقة مختلفة. عايزين ننقل من كليات القمة لعقلية القمة. عايزين نفهم
ان عقلية القمة بتدور على - [00:42:58](#)

نقطة التميز بتاعتك شف انت مميز في ايه؟ اكتشف نفسك. اعظم اكتشاف في حياتك انك تكتشف ايه موهبتك؟ ايه ميولك؟ ايه
الحاجة اللي بتحبها؟ ساعتها هتاخذ كل ميسر هيبقي النجاح سهل بالنسبة لك. ساعتها هتاخذ خد العفو هتعرف ايه. موهبتك وتميزك
تنميه تاخذ فيه - [00:43:18](#)

تتخصص فيه تشتغل فيه من الوقت ما تستناش اما يبقي عندك ستة وعشرين سبعة وعشرين سنة وتقول اما انزل الحياة العملية بقى
يا عبدالفتاح يا عليم يا رزاق يا كريم حياة مين يا ابني؟ ده انت حياتك خلصت اصلا. هو انت لسة هتبدأ حياتك؟ ده انت سمرة عمرك
وشبابك راحت وانت لسة ما انتش - [00:43:38](#)

يا ابني اشتغل دلوقتي. يا ابني شف انت خد شهادتك ايوة هتتجاوز بها وهتبر امك وابوك بها. وطلب علم وماشي. ولكن فين تميزك
احنا ما عايش دلوقتي الشهادة تعني التميز. انت دخلت اللي بيحبوا مجموعك نادر من الطلبة اللي بيدخل بناء على تميزه موهبته
عقليات - [00:43:58](#)

التميز عقليات القمة في الحياة. خلي عندك بعد نظر بعد عشرين سنة هيبقي التقييم زي امبارح ولا السعادة والتعاسة هتختلف؟ عندك
تفكير لقدام بعد الف سنة لما نبقي تحت القبور الدنيا هنبص لها ازاى؟ فكر في الفردوس الاعلى واصحاب اليمين. احسبها الدنيا مهمة
والاخرة - [00:44:18](#)

مهمة وقد جعل الله لكل شيء قدرا. والناجح في الدين ناجح في الدنيا. والناجح في الدنيا ناجح في الدين. واللي ناجح هنا ناجح هنا.

واللي فاشل هنا هنا فكر بطريقة ناجحة تنجح في دينك وتنجح في دنيته. اللهم تب علينا توبة ترضى بها عنا. اللهم تب علينا توبة
ترضيك. اللهم - [00:44:38](#)

تب علينا توبة نصوحة. تب علينا توبة لا نرد على اعقابنا بعدها ابدا. اللهم ارنا الحق حقا وارزقنا اتباعه. وارنا الباطل باطلا وارزقنا
اجتنابه اللهم اهدنا وسدنا. اللهم وفقنا وارشدنا. اللهم بارك في مستقبل شبابنا يا رب العالمين. اللهم اصلح احوال بلادنا يا رب
العالمين - [00:44:58](#)

اللهم اصلح احوال المسلمين. اللهم انصرنا بالاسلام. وانصر بنا الاسلام. اللهم استعملنا ولا تستبدل بنا. اللهم انا نستغفرك خيرك من كل
ذنوب عصيانك به ونستغفرك من كل صلاة ضيعناها ونستغفرك من كل ذنب تبنا اليك منه ثم عدنا فيه - [00:45:18](#)
ونستغفرك من كل امر فعلناه نظنه حلال وهو عندك حرام. نستغفرك من كل نظرة الى حرام نظرناها. نستغفرك من كل خطوة ان
الاحرار ان مشيهاها نستغفرك ونتوب اليك. يا من تبسط يدك بالليل ليتوب مسيء النهار. تب علينا يا ربنا من ذنوب الليل والنهار. تب
علينا - [00:45:38](#)

يا ربنا بالذنوب الليل والنهار. اللهم اصلح احوالنا. اللهم ادي عنا ديوننا. اللهم اشف امراضنا. اللهم اهد قلوبنا. اللهم زك نفوسنا اللهم زدنا
ولا تنقصنا. اللهم اكرمنا ولا تهنا. اللهم اعطنا ولا تحرمنا. اللهم اثرننا ولا تؤثر علينا. اللهم اهدنا واسر - [00:45:58](#)
هدى الينا. اصلح احوال امة حبيبك يا رب العالمين. اصلح احوال بلادنا مصر يا رب العالمين. سبحانك اللهم وبحمدك اشهد ان لا اله الا
انت استغفرك واتوب اليك - [00:46:18](#)